



TAJUK KHUTBAH JUMAAT

Siri: 34/2023

MENGHAYATI ERTI KEMERDEKAAN

25 Ogos 2023

Bersamaan

8 Safar 1445

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ عَلَى سَيِّدِنَا مُحَمَّدٍ، عَبْدِكَ وَرَسُولِكَ النَّبِيِّ الْكَرِيمِ،
وَعَلَى آلِهِ وَصَحْبِهِ وَسَلِّمْ تَسْلِيمًا كَثِيرًا.
أَمَّا بَعْدُ، فَيَا أَيُّهَا الْحَاضِرُونَ، اتَّقُوا اللَّهَ حَقَّ تُقَاتِهِ،
وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat yang dirahmati Allah sekalian,

Marilah sama-sama kita meningkatkan ketakwaan kepada Allah SWT, iaitu dengan bersungguh-sungguh melaksanakan segala perintah dan suruhan-Nya, dan pada masa yang sama bersungguh-sungguh meninggalkan segala larangan-Nya.

Mimbar Jumaat kali ini akan membicarakan khutbah yang bertajuk:

“MENGHAYATI ERTI KEMERDEKAAN”.

Sidang Jumaat yang dirahmati Allah sekalian,

Setiap tahun pada tanggal 31 Ogos, negara kita Malaysia akan menyambut ulang tahun hari kemerdekaan. Tahun 2023 ini merupakan sambutan kemerdekaan kali ke-66. Ini menandakan negara kita telah merdeka selama tempoh 66 tahun.

Jika disoroti, kemerdekaan negara yang dicapai pada tahun 1957 adalah sebuah perjuangan yang panjang dan penuh berliku. Generasi terdahulu telah mengorbankan jiwa dan raga mereka bagi mempertahankan tanah air daripada penjajahan kuasa asing.

Selain itu, perjuangan mereka juga bertujuan agar agama Islam terus terpelihara di Malaysia. Apa yang pasti, semangat perjuangan bagi mencapai kemerdekaan yang ditunjukkan oleh generasi terdahulu ini dilihat selari dengan sirah Nabi Muhammad SAW dan para Sahabat R.A.

Dalam Islam, pembukaan Mekah menjadi titik tolak kepada kemerdekaan yang sebenar. Merdeka bukan sahaja bebas tanahair daripada cengkaman penjajah, bahkan bebas daripada kegelapan kekufuran kepada cahaya kebenaran. Firman Allah SWT dalam surah al-Isra', ayat 81:

﴿ ٨١ ﴾ وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا

Maksudnya: Dan katakanlah: Telah datang kebenaran, dan hilanglah yang salah; sesungguhnya yang salah itu sememangnya satu perkara yang tetap lenyap.

Dalam menjelaskan lagi maksud kemerdekaan atau pembebasan ini, seorang pahlawan Islam bernama Rib'i bin 'Amir RA, pernah ditanya oleh Rustum iaitu panglima Parsi, tentang tujuan umat Islam datang ke Parsi. Rib'i bin Amir RA menjawab:

“Sesungguhnya kami adalah kaum yang diutuskan oleh Allah SWT untuk membebaskan manusia daripada perhambaan sesama makhluk kepada menyembah yang Maha Pencipta, daripada kesempitan dunia kepada keluasan dunia dan akhirat, daripada kekeliruan dan kesesatan agama lain kepada keadilan Islam”.

Sidang Jumaat yang dirahmati Allah sekalian,

Sebagai individu Muslim, kemerdekaan dalam diri membawa maksud bebas daripada perkara yang dimurkai oleh Allah SWT dan Rasul-Nya.

Namun realiti semasa menunjukkan bahawa sekalipun negara kita telah lama merdeka, malangnya sebahagian umat Islam hari ini dilihat masih terjajah dan terpengaruh dengan penyelewengan pemikiran kesan penjajahan bentuk baharu sehingga boleh merosakkan akidah.

Antara pemikiran menyeleweng tersebut ialah yang bertunjangkan logik akal fikiran semata-mata dengan mengenyepikan al-Quran dan hadis, serta menolak dan meremehkan hukum-hakam Islam, sebagaimana yang dilakukan oleh pihak dan kumpulan yang tidak bertanggungjawab.

Sidang Jumaat yang dirahmati Allah sekalian,

Sebagai menghayati erti kemerdekaan dalam konteks hari ini, mimbar ingin mengajak seluruh umat Islam menginsafi bahawa kemerdekaan negara yang kita perolehi adalah anugerah Allah SWT yang wajib disyukuri dan dipelihara. Pelbagai nikmat telah dirasakan oleh rakyat hasil dari kemerdekaan.

Antara nikmat terbesar kemerdekaan ialah Malaysia menjadi sebuah negara yang berdaulat sehingga keamanan, keselamatan dan kemakmuran dapat dirasakan oleh seluruh rakyat. Umat Islam pula dapat mengamalkan ajaran Islam dengan bebas.

Oleh itu, sebagai tanda kesyukuran, marilah kita bersama-sama berganding bahu memelihara dan seterusnya mempertahankan negara Malaysia yang tercinta ini daripada sebarang anasir dan usaha yang boleh menggugat kedaulatan dan keutuhan negara.

Justeru, Khatib juga ingin menyeru kepada golongan remaja, marilah sama-sama kita menyemai semangat kemerdekaan ini berpaksikan semangat cintakan negara dengan mengekalkan jatidiri muslim sebagaimana generasi awal Islam yang terdidik di bawah tarbiah Rasulullah SAW.

Pada masa yang sama, kita juga perlu mengisi kemerdekaan dengan menguasai ilmu pengetahuan semasa agar umat Islam terus terpelihara daripada penjajahan versi baharu dalam bentuk pemikiran moden yang merosakkan pegangan akidah dan gaya hidup Islam.

أَعُوذُ بِاللَّهِ مِنَ الشَّيْطَانِ الرَّجِيمِ

وَلَنْ تَرْضَىٰ عَنْكَ الْيَهُودُ وَلَا النَّصَارَىٰ حَتَّىٰ تَتَّبِعَ مِلَّتَهُمْ قُلْ إِنْ هَدَىٰ اللَّهُ هُوَ
الْهُدَىٰ وَلَئِنْ أُتْبِعَتْ أَهْوَاءَهُمْ بَعْدَ الَّذِي جَاءَكَ مِنَ الْعِلْمِ مَا لَكَ مِنَ اللَّهِ مِنْ وَلِيٍّ وَلَا

نَصِيرٍ ﴿١٢٠﴾

Maksudnya: Orang-orang Yahudi dan Nasrani tidak sekali-kali akan bersetuju atau suka kepadamu (wahai Muhammad) sehingga engkau menurut agama mereka (yang telah terpesong itu). Katakanlah (kepada mereka): "Sesungguhnya petunjuk Allah (agama Islam) itulah petunjuk yang benar". Dan demi sesungguhnya jika engkau menurut kehendak hawa nafsu mereka sesudah datangnya (wahyu yang memberi) pengetahuan kepadamu (tentang kebenaran), maka tiadalah engkau akan peroleh daripada Allah (sesuatu pun) yang dapat mengawal dan memberi pertolongan kepadamu.

(Surah al-Baqarah: ayat 120)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Sidang Jumaat yang dikasihi.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرْضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.
اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنَ الْعَابِدِينَ، ابْنَ الْمَرْحُومِ
السُّلْطَانَ مُحَمَّدٍ الْمُكْتَفِيَّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةَ تَرَغْكَانُو.
وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.
اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنَ الْعَابِدِينَ.

Ya Allah, Ya Rahman, Ya Rahim.

Perbaikilah hubungan sesama kami dengan penuh kasih sayang. Limpahkanlah dalam kehidupan keluarga kami ketenangan dan kebahagiaan, Semangat muafakat dalam kejiranan, Para remaja yang teguh iman, tinggi ilmu dan mulia akhlaknya.

Ya Allah,

Kami pohon kehadiran-Mu agar mantapkanlah pegangan kami menurut ajaran Ahli Sunnah Waljamaah dan jadikanlah kami sentiasa istiqamah dalam melaksanakan segala perintah-Mu.

Ya Allah,

Perkukuhkan perpaduan umat Islam di negeri Terengganu. Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

آمين يا الله، يا أرحم الراحمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.
□ قُومُوا إِلَى صَلَاتِكُمْ، يَرْحَمْكُمْ اللهُ.